

CUSSEGL GROND

Sessiun d'avust 2022

Dumonda Tomaschett concernent il tunnel dal Tödi: Cura vegn quel realisà?

Ils 29 d'avust 2013 hai jau fatg a la Regenza la dumonda concernent las schanzas per ina realisaziun dal tunnel dal Tödi. Quel duai dar novs impuls a la Surselva e gidar a dumagnar cun success las sfidas d'ina regiun da muntogna. Il tunnel vegn menziunà sco varianta en il studi «Zu(g)kunft Graubünden». La colliaziun da tren tranter Linthal e Trun pudess colliar la Surselva en 75 minutas cun la metropola Turitg. Fin ussa fineschan ils binaris a Linthal.

La Regenza grischuna ha respundì quella giada, ch'il project Tödi na saja fin lura anc betg vegnì discutà cun la Regenza glarunaisa. Ella saja dentant pronta da tematisar proximamain quest project cun la Regenza glarunaisa per vegnir a savair, co ch'ella valiteschia eventuals scleriments, che stuessan vegnir fatgs cuminaivlamain, davart ils avantatgs ed ils dischavantatgs d'in tal project.

Ils 17 da mars 2022 ha il cusseglier dals chantuns Mathias Zopfi (Glaruna) inoltrà en il Cussegl dals chantuns l'interpellaziun 22.3245 cun il titel «Töditunnel. Wann ist dieser zusätzliche Zugang zum Schmalspurnetz realistisch?» Il Cussegl federal explitga en sia resposta, che la valitaziun d'ina cumplettaziun da la rait a binaris stretgs na saja fin ussa betg vegnida examinada, perquai ch'ils chantuns involvids n'hajan betg annunzià il basegn d'ina colliaziun

Las sutsegnadras ed ils sutsegnaders supplitgeschan la Regenza da responder las suandantas dumondas:

1. Tge ha la Regenza prenià concretamain per mauns concernent la lingia dal tunnel dal Tödi dapi mia dumonda da l'avust 2013?
2. Mida la resposta dal Cussegl federal dals 18 da matg 2022 a l'interpellaziun 22.3245 insatge en la politica da traffic da la Regenza?
3. Vegn la Regenza ad annunziar a la Confederaziun – tenor l'artitgel 48d da la Lescha federala davart las viafiers – il basegn per in studi concernent la realisaziun dal tunnel dal Tödi en vista ad in proxim pass da cumplettaziun?

Cuira, ils 3 da settember 2022

Tomaschett, Luzio, Sgier, Berther, Bettinaglio, Brandenburger, Brunold, Casutt, Collenberg, Cramer (Surava), Degiacomi, Della Cà, Dietrich, Epp, Hohl, Kohler, Loepfe, Maissen, Michael (Donat), Righetti, Sax, Schutz, Spagnolatti, Zanetti (Landquart)